

**Ն.Ա.Օ.Տ.Տ. ԳԱՐԵԳԻՆ Բ ԱՄԵՆԱՅՆ ՆԱՅՈՑ
ԿԱԹՈՂԻԿՈՍԻ ԽՈՍՔԸ՝
ԱՍՎԱԾ ՄԱՅՐ ՏԱՃԱՐՈՒՄ ՆՈՐ ՏԱՐՎԱ ԱՌԻԹՈՎ,
ԿԵՍԳԻՇԵՐԻՅ ՆԵՏՈ**

(1 հունվարի 2000 թ.)

Անհուն ուրախություն և բերկրանք եմ ապրում այս պահին, երբ բոլորս միասին եկեղեցականաց մեր դասի հեղ, Մայր Աթոռ Սուրբ Էջմիածնի միաբանության հեղ համախումբ, հավաքվել ենք լուսեղեն այս կամարների, այս եկեղեցական հարկի տակ՝ Նոր տարվա շնմին մեր աղոթքն առ Աստված բարձրացնելու, առ Երկնավոր Հայրը մեր և հայցելու, որ տարին այդ լինի բարեբեր մեր ժողովրդի համար, որ այն օրհնաբեր լինի Հայոց աշխարհի համար: Առաջին տարին է, որ որպես Հայրապետ Հայոց Մայր Աթոռ Սուրբ Էջմիածնում, Իջման Սուրբ Մեղակի առաջ, աղոթք եմ վերառաքում առ Տերն մեր և հավատում եմ, որ մեկամսյա ձեր աղոթքները, մեր հայցն ու խնդրվածքը կամար պիտի կապեն Նոր տարվա շնմին, որի միջով անցնող յուրաքանչյուր հայրդի պիտի սրբի, մաքրագործի իր զգացումները և, որպես բարի հաղթություններով առլեցուն անձ, անհատ և Աստուծո արարած, պիտի մուտք գործի Նոր տարուց ներս՝ բարի զգացումներով շաղախելու հոգու և մարմնի, սրբի և ձեռքի իր բոլոր գործերն ու արարքները, որոնք պիտի շննացնեն հայրենիքը մեր, որոնք պիտի գորացնեն և՛ Եկեղեցին Հայոց, և՛ համայն հայ ժողովուրդն ի Սփյուռս աշխարհի: Նոր տարվա առաջին այս աղոթքը թող թև առնի և մուտք գործի յուրաքանչյուր հայ օջախից ու ընտանիքից ներս՝ լույսով ու ջերմությամբ լեցնելու հայոց հարկերը, որպեսզի Տիրոջ ամեն ողորմությունը, Տիրոջ սերը և խաղաղությունը բնակություն հաստատեն՝ աղոթք, խաղաղություն և երջանկություն բերելով այդ հարկի տակ կայք և բնակություն հաստատված ժողովրդի գավակաց:

Մեր աղոթքն է, որ Տերն իմաստությամբ շնորհագարդի հայրենի մեր պետությունը, սիրով շաղախի հոգիները հայոց մեջ, ազաւրի մեզ ամեն տեսակ անպարկեշտությունից, քինախնդրությունից, չար ու վար զգացումներից: Թող Աստուծո բարի հայացքը միշտ Հայոց աշխարհի վրա լինի՝ պահելով ու պահպանելով անվրդով ու ապահով, շեն ու պայծառ:

Եկեք բոլորս միասին Նոր տարվա այս առաջին ժամին սրտաբուխ մեր հայրը վերառաքենք առ Աստված և խնդրենք Ամենակալ Տիրոջից, որ կյանքի շավիղներում առաջնորդի մեր ընթացքը, որպեսզի մենք միշտ բարու մեջ քայլելով՝ գոհություն և փառք մատուցանենք Ամենակալ Աստծուն այժմ և հավիտյանս. ամեն: